

## Glossary

**Bachelor of Education (Teaching):** An undergraduate degree at the Faculty of Education and Social Work.

**Huarahi Māori:** A specialisation within the Bachelor of Education (Teaching), focusing on preparing students to teach in Māori immersion, kura kaupapa, bilingual and English-medium primary and intermediate schools.

**Foundation programme:** A preparation programme that will help you gain entry into an undergraduate degree.

**Undergraduate degree:** The first degree that you study for, usually three years of full time study.

**Postgraduate programme:** A programme undertaken after you've completed an undergraduate degree.

**Faculty:** An organisational unit that delivers academic programmes and research (Faculties usually comprise a number of schools or departments).

**Course:** A basic unit of study (The successful completion of a course results in the award of the points specified for the course).

**Admission:** The process of applying and being approved for entry to a university course or programme.

**Supplemental information:** Documents or other items needed to complete your application for admission, e.g. ID, evidence of previous tertiary study if any, referee request.

**Tertiary education:** Education at a university level.

**Completion:** Indicates the requirements of the programme have been met and that the student is eligible to graduate.

**Undergraduate Targeted Admission Schemes (UTAS):** An entry pathway into a programme of study.

**Tertiary Foundation Certificate (TFC):** A foundation programme that will support your entry into an undergraduate degree.

# TE TUPU HEI KAI AKO

Ko te piko o te māhuri tērā te tupu o te rākau.

*Kua āwhina te Huarahi Māori i a Te Aroha ki te poipoi i ngā aronga pākiki o ngā taurua me te whakahoki i ōna pūkenga ki tōna hapori. "I kōwhiri au i te hōtaka o te Huarahi Māori nā te mea ko taku pīrangī kia whiwhi au i te tohu mātauranga i roto i te horopaki o te ao Māori. Ko te mea tino motuhake rawa atu o tēnei haerenga ko ngā mātauranga kua riro i a au hei whakakā i taku kete mātauranga. Āpiti atu hoki, ko ngā hononga hōu ki tēnei whānau kua waihangatia i roto i ngā tau ki tēnei whānau. "Ka whakamahia e au tēnei tohu mātauranga hei whakahihiko, hei poipoi hoki i ngā aronga pākiki o ngā taurua. Ko te whakamahi hoki i ōku pūkenga ki te tautoko i te hapori i whakatipu i a au. Kia tukuna iho hoki ngā uara o te whanaungatanga, te manaakitanga me te kaitiakitanga ki te reanga e whai mai ana. "He paihere nui te ako, he nui te utu, he nui hoki te wā ka pau i te ako. Ko aku kupu āwhina ki ērā ka hiahia whai i tēnei ara kia manawanui. Nā ō akoranga ka hāpaitia te whānau. Tiakina te whānau, kia kaha hoki ki te tiaki i a koe anō hoki."*

## Te Aroha Paraha

Tohu Mātauranga (Whakaako) Huarahi Māori  
Bachelor of Education (Teaching) Huarahi Māori



For assistance please visit us at:

**Te Puna Wānanga, School of Māori and Indigenous Education**

Faculty of Education and Social Work  
The University of Auckland  
Private Bag 92019  
Auckland 1142  
Tel: +64 (0)9 373 7599

**Whai urupare:**

Mō ngā uiuinga tauwhānui katoa tae atu ki te kimi whakamaherehere mō te urutomo mai, te whakauru me te hōtaka ako, hono mai ā-huiata, haere mai rānei ki Student Hubs.  
[auckland.ac.nz/student-hubs](http://auckland.ac.nz/student-hubs)

**Waea mai:**

Tāmaki makaurau: (09) 923 5025  
Kei waho o Tāmaki makaurau: 0800 61 62 63  
Tāwāhi: +64 9 373 7513



He āhuru mōwai



Pouwhirinaki



Whakaako ki ngā kura rumakanga me ngā kura auraki



EDUCATION AND SOCIAL WORK

EDUCATION AND SOCIAL WORK

[auckland.ac.nz/huarahi-Māori](http://auckland.ac.nz/huarahi-Māori)

# Kia whakangungua hei pouako ki te Huarahi Māori

Mehemea e kaingākau nui ana koe ki te reo Māori me te mātauranga ko Te Huarahi Māori me te Tohu Mātauranga (Whakaako) te ara mōu.

Ka whakaritea koe ki te whakaako ki ngā kura rumakanga kura reorua me ngā kura auraki mai i te tau tuatahi o te kura tuatahi tae atu ki te tau tuawaru o te kura takawaenga.

Kei ngā tōpito katoa o te rāngai mātauranga ngā raukura o Te Huarahi Māori e mahi ana hei kaiako, hei kaiwhakaaweawe kaupapa here, hei kaiwhakatairanga i te reo Māori, i ngā tikanga me te mātauranga Māori e whakanikonikohia atu ai te ara mātauranga mō ngā whakatupuranga e pihi ake nei, e pihi ake nei.

Mā te tohu whakaako ka ka whai wāhi koe ki te whakamahi i ngā tikanga me te reo Māori ki te hāpai i te ākongā, i te iwi, i te hapū me te whānau. I te roanga atu o te tohu, ka noho koe ki roto i te akomanga (kura rumakanga, kura reorua, kura auraki rānei) mō te 24 wiki ki roto i te akomanga, ā ka ārahina tō tupuranga hei kaiako whaihua whakangungua koe e te kaiako mātanga.

Whakaakona ai te hōtaka o Te Huarahi Māori ki ngā papa ako o Maungawhau rāua ko Te Taitokerau.

# Tohu Mātauranga Whakaako (Kura Tuatahi me te Huarahi Māori)

## Tirohanga Whānui

Uru atu ki tētahi hōtaka e riro ai tētahi tohu whaimana i Waipapa Taumata Rau, tētahi o ngā whare wānanga kei te karamatamata o te mātauranga.

Māu e kōwhiri te hōtaka e tika ana mōu, arā, te hōtaka auraki, te hōtaka rānei o Te Huarahi Māori. He maha ngā momo akoranga e whakamahia ana mai i te akoranga kanohi ki te kanohi me te kauwhau ā-ipurangi tae atu ki te akomanga me te awheawhe. Mā ēnei tūmomo akoranga katoa ka riro i a koe ngā pūkenga me ngā mōhio e angitu ai koe i roto i ngā tūmomo akomanga kanorau o te wā nei. Ki roto i tō tau tuatahi ka mahi koe ki roto i te kura, ā, ka arahina koe e tētahi pouhāpai.

## Tirohanga Whānui Quick facts

**Te roanga:** Wā ukiuki: 3 tau,

**Wā harangotengote:** he kōwhiringa wā e wātea ana Timata ai ngā akomanga:

Wehenga 1 2024 - 20 Huitanguru Wehenga 2 2024 - Hōngongoi

**Piro:** 360 piro

Mō ētahi atu mōhioatanga e pā ana ki ēnei hōtaka, toro atu ki [auckland.ac.nz/bedtchg](http://auckland.ac.nz/bedtchg)

## Te Korowai Atawhai

Ko tā Te Korowai Atawhai he tautoko i tō urunga mai me tō hikoi i te ara mātauranga (academic and pastoral support). Whakaratohia ai e mātou he:

- Akomanga
- Wānanga, Nohonga
- Whakawhanaungatanga
- Pouwhirinaki
- hononga ki tētahi poutoko taurira me ngā ratonga mātanga o Waipapa Taumata Rau
- Wāhi motuhake mō ngā taurira Māori

Toro atu ki [auckland.ac.nz/te-korowai-atawhai](http://auckland.ac.nz/te-korowai-atawhai) whakapā atu rānei ki a: [tekorowaiatawhai@auckland.ac.nz](mailto:tekorowaiatawhai@auckland.ac.nz) me he pātai āu.

## Ngā Karahipi

He maha ngā tūmomo karahipi hei tautoko i tō hikoi i te ara mātauranga pēnei i ngā karahipi a TeachNZ e kapi ai ō utunga kōwae ako, e whakaratohia ai hoki he takuhe mō te wā e akoako ana koe.

Mō ētahi atu mōhiohio toro atu ki: [auckland.ac.nz/education-scholarships](http://auckland.ac.nz/education-scholarships)

## Tono mai ināiane

### Kua rite koe ki te tonono?

- Haere ki [auckland.ac.nz/apply](http://auckland.ac.nz/apply) ki te timata i tō tonono. Mehemea kāhore ō pūkete, ka tonoa koe kia whakarite i tētahi mōu. He tere, he māmā, ā, kāore noa iho e roa ka whakamānuhia tō tonono.
- Tuarua, ka whiwhi imera koe e kī ana kia tukua atu ētahi atu mōhiohio āpiti kia taea ai tō tonono te aromatawai. Mō ētahi atu mōhiohio me te whakareri mō tēnei tonono toro atu ki: [auckland.ac.nz/teaching-applicant-info](http://auckland.ac.nz/teaching-applicant-info)
- Ka taea e koe te tiroiro ā-huiata tō tonono mā te pāwhiri atu ki tāu pūkete.
- Ki te angitu tō tonono, ka tukuna atu he imera e mātou e kī ana me pēhea tō whakaake ki te tonono.

## Whakapā mai

### Ui ā-taurira

Mō ngā uiuinga tauwhānui katoa tae atu ki te kimi whakamaherehere mō te urutomo mai, te whakauru me te hōtaka ako, hono mai ā-huiata, haere mai rānei ki Student Hubs. [auckland.ac.nz/student-hubs](http://auckland.ac.nz/student-hubs)

### Waea mai:

Tāmaki makaurau: (09) 923 5025  
Kei waho o Tāmaki makaurau: 0800 61 62 63  
Tāwāhi: +64 9 373 7513

*“Ka nui taku ngākaunui ki Te Huarahi Māori. Ko te whānaungatanga te manawa o te taiao, ā, hei te mutunga iho, mā mātou e whiriwhiri mehemea ka whakaako mātou ki tētahi Kura Kaupapa Māori, ki tētahi kura auraki rānei.*

*Kua whakaaweawe tēnei tohu i a au hei tangata, hei kaiako anō hoki nā te miramira me te whakakaha i ōku pūkenga me ōku uara e whakamahia ai ēnei i roto i aku mahi. E hara Te Huarahi Māori i te hōtaka mō te hunga matatau anake. Heoi anō he kaupapa hoki tēnei mō ērā ka hiahia ki te whakapiki i ō rātou pūkenga reo. Ka tautokona, ka poipoia ngā taurira kia taea e rātou te ako i te reo, me te ako mā te reo. Hei aha noa iho te whakaaro noa mō te tonono atu ki Te Huarahi Māori – mahia atu – e tonono!*

**Terina Coker**

Tohu Mātauranga (Whakaako) Huarahi Māori

[auckland.ac.nz/huarahi-Māori](http://auckland.ac.nz/huarahi-Māori)

